



UPA 2014/30
13.05. 2014
Mimi Karlsen

Danmarkimi kalaallit ilinniartut atugassaannik kollegie-nik sanaartornissaq siunertaralugu Naalakkersuisut suliassamik aallartitseqqullugit peqquneqarnissaannik Inatsisartut aalajangiiffigisassaattut siunnersuut. (Siumup Atassutillu Inatsisartunut ilaasortai)

Inuit Ataqatigiit Siumut Atassutillu inassutaat taperserumavarput Naalakkersuisut peqquneqaaqqullugit Danmarkimi kalaallit ilinniartut atugassaannik kollegie-nik sanaartornissaq siunertaralugu suliassamik aallartitseqqummatigit .

Naak siunnersuuteqartut ersersereeraluaraat suliaq Ilinniartitaanermut Naalakkersuisup akissuteqarnermini pilersaarut ilisimaneraraa, taamattaarlu Ilinniartitaanermut, Kulturimut, Ilageeqarnermut Naligiissitaanermullu Naalakkersuisoqarfik Københavnimi Kalaallit Illuannik oqaloqateqartoq oqaatigalugu, taamaattoq aallartinnissamik kaammattueqataajumavugut.

Taamatuttaaq kalaallit illuanut tapiissutit ilaneqareermata suliap aallartinnissaa pingaaruteqarpoq.

Ilinniartortatta Danmarkimi ilinnialeraangamik Kalaallit Illuini ineqarsinnaasarput. Tamannali Københavnimi periarfissaanngilaq, naak tassani aamma kalaallit ilinniagaqarniartartut. Københavnimi kalaaliinnaanngitsut, aammali danskit savalimmiormiullu kolligiassaaleqisarput.

Kolligialiorniarnermi suleqateqarnissaq Naalakkersuisunut inassutigiumavarput. Assersuutigalugumi Kalaallit Peqqissartut Angerlarsimaffiornikuuvugut Savalimmiormiut suleqatigalugit, taamaalilluta ingerlatsinermut aningaasartuutit millisarsinnaallugit, ulluinnarnilu ikioqatigiissinnaanngorlugit. Suleqatigiissinnaanerup aningaasartuuteqatigiisinnaanerullu periarfissaq pitsaanerulersissagaa Inuit Ataqatigiit isumaqarput.

Danmarkimi ilinniartortatta allatuulli ilinniartut ilinniarnermi saniatigut suliffeqartarput. Tamanna peqqutigalugu Naalakkersuisut ilinniartut akissaqarnerusut inigisaminnut akiliinerunissaannik suliaqarneranni eqqarsarluaqquagut. Danmarkimi ilinniagaqartuutigit suliffeqartut aamma tassuuna artukkissannginatsigit.

Ilinniartut suliffeqartut iniminnut akiliutigisartagaasa qaffannerisigut ilinniagaqarnerisutit qaffanneqarnissaat tassaavoq pissaqarnerusut akiliinerunissaannik eqqarsarnek, taannalu ilinniartunut atuutissappat aamma inuiaqatigiinnut tamanut atuuttariaqartoq Inuit Ataqatigiit isumaqarpugut.

Danmarkimi ilinniagaqartut kolligiassaannik suliamik aallartitsinissaq Inuit Ataqatigiit taperserpaat suliarlu ataatsimiitsitaliamut susassaqartumut ingerlateqqinneqarnissaa innersullugu.